



Notat

Dato: 20.11.2015
Arkivsak: 2015/10846-3
Saksbehandlar: eliwik

Til: Utval for opplæring og helse
Fylkesutvalet

Frå: Fylkesrådmannen

Tillegg 2 - evt. oppretting av Vg1 Medieproduksjon skuleåret 2016/17

I saka «Justering av undervisningstilbodet, skuleåret 2016/17» er det ikkje tilrådd oppretting av Vg1 Medieproduksjon i Hordaland. Som kjent er dette eit tilleggsprogram til Vg1 Design og handverk. Grunngevinga for dette er at tilbodet er svært «smalt» i høve til læreplassar i dei to lærefaga Fotograffaget og Mediografikarfaget, og at det difor også er svært få søkjarar til desse faga i gjeldande struktur.

Ut frå dette meiner fylkesrådmannen at det truleg ikkje vil vere søkjargrunnlag for eit slikt tilbod. Likevel ser ein at det bør vere mogleg å sjå om dette stemmer ved å gjere tilbodet søkbart på vigo.no i samband med søknadsregistreringa som opnar 10. januar 2016. Dette kan gjerast ved at Vg1 Medieproduksjon blir gjort søkbart på Årstad videregående skole for komande skuleår, men ikkje formelt oppretta før ein ser søkjargrunnlaget og konsekvensane av ei slik oppretting i høve til framtidige læreplassar.

Den formelle avgjerda om eventuell oppretting av tilbodet kan dermed gjerast etter prognoseinntaket i mars 2016. Ein får på den måten betre tid på dette, og kan sjå dette meir i høve til oppretting av Media City Bergen frå 2017. Grunngevinga for framlegget om Årstad videregående skole er at skulen har det desidert største tilbodet i fylket innanfor utdanningsprogrammet Design og handverk.